

身三界迅足九霞朝宴太上也

蔡經狗竇宋卿雞窠

王氏神仙傳總真王君名遠字方平遊括蒼山過道民蔡經家君知其骨相合道往而度之謂經曰汝應得度世以補仙官但汝少不知道氣少肉多唯可尸解此法須臾如過狗竇中耳言訖而去經忽身熱如火欲得水灌之舉家撻水如沃焦狀三日之中消瘦骨立乃入室以被自覆因失其尸視被中之身頭足俱全如蟬蛻耳

洞微志李守中爲承旨奉使南方至瓊州界道逢一翁自稱揚遐舉年八十一邀守中詣其居見其父曰叔連年一百一十二又見其祖曰宋卿年一百九十五語次見雞窠中有小兒出頭下視宋卿曰此九代祖也相傳數世不語不食不知其年多少朔望取下子孫列拜而已

梁須徹視李元滄和

抱朴子道士梁須不知何許人聞桴檣赤者却老還少令人夜間徹視見鬼須年七十乃服之轉更少壯年至一百四十行及走馬後隱青雲山

仙傳拾遺李子元居隸上山石室中習讀丹經專精念道忽有神仙乘羊而降授其食氣滄和之訣修之數年白日昇天今所居山卽第十化也下有綿水山中石上多有神羊之跡

道藏輯要

三洞群仙錄

卷

翼集五